

Ein anders/ zu Brandt des Harms.

En edle vnd kräftige Lattweg / für den Brandt des Harms. Lattichsamen/ Burselsamen / jedes 2. Scrupel/ Weiß Magensamen/ 3. Loht/ Wegwart/ Saurampffer/ Endiuien / jedes 1. quintl. Das Marc von Sebestien/ Damascenerpflaumen / jedes 4. Loht/ Ammelmehl 8. Loht/ Spodij de eanna, 2. Loht/ Tragagant / Arabischen Gummi/ geschaben Süßholz / jedes 2. quintlin / den Schleim von Sebestien ein halb Pfundt/ Weiß Biolzucker/ 16. Loht/ gestossen vnd mit penidijs vermischt / dann mit Zucker in süß Granatapfelsafft ein halb Pfundt gekocht. Ein Löffel voll auff einmahl eyn genommen: Antonius Fumanellus.

Für das Blutharmen.

Ich habe in dem Collegio Diui Bernhardi curiret / so viel vnd lauter Blut mit wenig Harm geharmet/ mit den Lässin von Agstein mit Wegerichwasser / eyngenommen vor dem Schlaaf: Christoph. de Vega.

Bauchweh/ Darm-
gicht/ genannt Colica.

Ein gewies Experiment.

En gewies Experiment wider innerliche Schmerzen / so von Auffblehung vnd Wunden kommen. Brenne den Knochen vom Schweinfuß/ bis er weiß wirdt/ stoß ihn zu Pulffer / vnd nimb des Pulffers ein quintlin in einem Trunck Wein/

Wein/ darinnen zuvor Chamillen gekottet ist/ es hilfft ohn zweifel.

Ein anders.

Für das Reissen im Leib/ nimb Hanffkörner wie viel du wilt/ wasch den Staub mit Wasser ab/ geuß guten weissen Wein darauff/ vnd siede es/ biß die Körner auffspringen/ darnach laß ein Milch darauß machen/ von der nim ein warmen Trunck/ so wirdt es dir das Reissen vnd Wehtagen lindern. Du solt es aber nit allein ein mahl / sonder zum andern vnd dritten mahl thun.

Ein anders.

Jeder das Reissen/ Stechen vnd Grimmen im Leib/ Colica genant. Nimb rohe Strehlgarn/ siedts in Wasser mit Aschen/ darnach truck das Garn auß/ vnd legß warm auff.

Von Kranckheiten

beydes Geschlechts / Geburt/
Gliedern / vnd heimlichen
Dertern.

Für außfließen des Mänlichen Samens.

Ach vndauch ander pflegen/ mit glücklichem Fortgang die Calliam zugeben in solcher Noht / die da endspringt von scharpffer Materi vñ auß Gelbigem Samen. Aber ich vermisch mit der Callia diese Stück / die den Samen widertruckten/

als